


平定準噶爾方略正編


十七




漢書門			
八	一	五	類
九	七	號	類
一	〇	〇	架

內閣文庫			
六	八	五	漢
五	八	五	書
函	一	〇	冊
一	七	〇	架

內閣文庫		
番號	漢	8815
冊數	100	(49)
函號	285	54





平定準噶爾方略正編卷之十七

乾隆二十年秋八月癸亥。

草文庫

諭將軍班第等籌辦準噶爾生計。

上諭軍機大臣曰。準噶爾數年以來。諸部互相殘殺。久失生業。甚屬困窮。朕統一寰區。不忍坐視。特命大軍平定伊犁。救生靈於塗炭。今聞各部落人等。貧困者多。若不加籌畫。必至阡危。朕心深為軫卹。

因思有無相濟。貧富相通。各部落中。自可通融辦理。將軍班第薩喇爾。叅贊大臣鄂容安。其飭交諸部台吉宰桑等。據實查明極貧戶口。勸諭富人。共相養贍。尙恐難於接濟。著將西路運到官茶四萬卦。班第等酌量賞給貧戶。或賞給養贍貧戶之家。務宜確查徧給。俾其實沾恩澤。仍諭台吉宰桑等。嗣後董率所屬。各勤耕牧。如有盜竊攘奪等事。嚴

行禁止。若仍踵舊習。卽照律辦理。將此通行曉諭。至各台吉宰桑。亦宜體朕撫綏準部至意。善爲教養。以期生計日豐。盜賊永息。勉之。毋怠。

申諭辦理準噶爾事宜。

上諭軍機大臣曰。據班第等奏。布庫努特舊宰桑敦多克汪沁。密告薩喇爾云。阿睦爾撒納入覲之心。似屬猶豫。或半途復返。或遣訥默庫。班珠爾等。將

伊家口遷移。俱未可定。已密行烏里雅蘇台駐劄大臣留心防範等語。所見甚是。昨納穆扎爾照阿睦爾撒納宰桑等所請遷移游牧。朕卽傳諭莫爾渾等留心防範。至阿睦爾撒納中途逗留。或別生事端。班第等卽遵節次諭旨。相機辦理。又奏稱明阿特部落二千餘戶。原係阿爾台居住之烏梁海。從前被準夷威劫。令其防守北界。今願移歸舊游。

牧。若照伊所請。將來辦理阿睦爾撒納游牧時。可與噶爾藏多爾濟。哈薩克錫喇等兵丁。一同遣往等語。其事尙屬可行。但阿睦爾撒納雖有罪應誅。其游牧人衆。毋庸驚擾。誠恐明噶特等肆意搶掠。非所以示體卹。仍遵前旨傳諭伊游牧人衆。照舊安居。選派喀喇巴圖魯阿玉錫等大員管轄。并嚴禁搶掠。惟將阿睦爾撒納從前貪取之物查出酌

量分賞明噶特人衆。方爲妥協。至敦多克汪沁。舊係布庫努特宰桑。若伊游牧人衆。羣相推服。卽給還原職。其侍衛吞圖布。俟有別鄂拓克宰桑缺出。補授。班第查明具奏請旨。再上爾扈特台吉巴圖爾烏巴什告稱。達瓦齊將伊屬人分散。懇請會合游牧等語。班第等應查明辦理。并將似此分散者一體查出。應如何辦理之處。酌定奏聞。並將此傳

諭莫爾渾阿蘭泰。舒赫德等。將敦多克汪沁所告之處。加意防範。毋得稍忽。

甲子

申諭駐劄烏里雅蘇台辦事大臣莫爾渾等。防範阿睦爾撒納。遷移游牧。

上諭軍機大臣曰。朕前降諭旨。俟阿睦爾撒納前來擒治後。再將伊扎卜堪游牧人衆辦理。今詳察情

形前來與否。俱未可定。若既不前來。又將伊扎卜  
堪游牧人衆。遷至塔爾巴噶台。一處會合。則必挈  
之潛逃。不可不預爲防範。著速傳諭莫爾渾等。阿  
睦爾撒納。如抵烏里雅蘇台逗留時。藉稱遷移游  
牧之後。再行入覲。則莫爾渾等。當以未奉朕旨。不  
敢擅許爲詞。如或抗違。卽帶兵辦理。倘坐視遷移。  
致成大釁。朕必重治其罪。計此時阿蘭泰亦已到

彼。其會同密議。相機果斷。一得信息。卽速奏聞。

乙丑。

命鑄給管理巴里坤大臣印信。

上諭大學士曰。策楞已賞給都統職銜。令駐劄巴里  
坤。辦理事務。著鑄給管理巴里坤等處官兵大臣  
印。以昭信守。

丙寅。

密諭派員管理阿睦爾撒納游牧。

上諭軍機大臣曰。朕昨密諭哈達哈。俟辦理阿睦爾撒納後。其游牧人衆。於策凌屬下宰桑內。揀選數人管理。繼思喀喇巴圖魯阿玉錫。素習夷情。受恩最久。故特派伊前往管理。扎卜堪游牧。但此時卽行諭知阿玉錫。恐有洩漏。著先傳諭哈達哈等。俟阿玉錫到彼。將此旨傳諭。仍候諭旨到時。卽帶兵

會同納穆扎爾。將阿睦爾撒納黨惡宰桑烏巴什。錫哈瑪和通。烏勒木濟巴圖。濟爾噶爾。巴桑策凌。阿穆爾。濟爾噶勒們都巴桑。及在逃之固穆扎卜等。擒拿緝獲。其餘宰桑。俱不必辦理。仍傳諭伊等。以阿睦爾撒納負恩悖逆。烏巴什等同惡相濟。是以擒治。與爾等無涉。宜照常管領戶口。安居樂業。永爲國家臣僕。令阿玉錫等。善爲撫綏。慰諭再班。

第等奏班珠爾負恩怙勢。遷延入覲。自應一併治罪。伊所屬宰桑無多。非阿睦爾撒納黨羽可比。應毋庸辦理。併將納噶查普爾普屬人。俱著阿玉錫管轄。其扎木叅齊木庫爾屬人。毋得任其逃竄。加意防守。候朕旨遵行。或因游牧人衆。阿玉錫不能獨管。卽暫派侍衛協辦。朕仍遣人相助。哈達哈等與阿玉錫其悉心會商。相機辦理。尤宜周詳慎密。毋得稍有洩漏。

丁卯。

諭辦理接濟降人口糧事宜。

上諭軍機大臣曰。班第等奏阿睦爾撒納咨稱。伊收集屬下人衆五千餘戶。俱多窮困。請將接濟官兵所剩羊萬餘隻。指伊俸銀扣抵售買。班第等恐其借端生事。致悞行期。酌將一半截留。候奏請賞給。



所辦尙合機宜。但阿睦爾撒納屬人安得有五千餘戶之多。明係從各部搶掠。俟將伊治罪後。遵照前旨。分別給主歸公。其餘仍派員管轄。又奏稱塔爾巴哈沁台吉額林沁。多羅特台吉舍楞等。自哈薩克逃出。被追兵掠奪。所有戶口二千餘戶。口糧牲隻俱乏。係阿睦爾撒納同族兄弟。阿睦爾撒納遣額林沁之弟納咱爾舍楞之弟諾爾布來請接濟。

濟口糧。請暫於額林哈畢爾噶屯耕糧石內計口授食。並於塔本集寨。及額林哈畢爾噶等鄂拓克。各派羊隻。并將官茶二千封。運往接濟。俾在和博克薩里。烏隆古等處居住等語。此等投降戶口。自應酌量接濟。若由內地運往口糧。接濟伊等。則斷乎不可。班第等辦理尙屬妥協。此等人內有應給與職銜者。卽行具奏請旨。

戊辰。

駐劄烏里雅蘇台辦事大臣莫爾渾等疏奏郡

王青滾雜卜收服汗哈屯等處烏梁海部衆。

莫爾渾等奏言。據叅贊大臣喀爾喀副將軍郡

王青滾雜卜咨稱。四月十六日奉

旨。會同察達克赤倫前往汗哈屯地方收服烏梁海

等。遵於六月初四日起程。七月初五日至薩葛

勒巴什嶺。先遣副都統敦多卜。貝子策卜登等。

領兵三百名。前赴汗地方收服烏梁海等。親領

官兵四百名。於初九日抵宰桑哈爾瑪什游牧

阿爾呼特地方。傳示

聖主仁慈。許其投誠。哈爾瑪什等率衆懇降。並遣一

等台吉班扎喇克察等。傳示得木齊那爾圖。四

等台吉丹珠爾等。傳示明噶特台吉莽納什。卽

領兵至察罕烏蘇宣諭

皇仁。那爾圖。莽納什等俱率衆迎降。途中適遇扎薩克齊巴克。扎卜。根敦等領兵二百名。搜緝擅殺卡倫侍衛貝多爾之賊犯等。遂會兵前往。十五日。至巴斯庫斯地方。宰桑瑪濟岱等亦懇納降。並詢知宰桑那木扎爾住於鄂衣孟。保衮住於薩穆勒都。莽噶拉克住於薩勒扎河。布珠庫和

齊賴住於哈屯河各地方。隨派署叅領阿必達侍衛多爾濟。索諾蘇噶特固穆扎卜等分路傳示。於二十五。二十七等日。多爾濟。阿必達等率宰桑那木扎爾。保衮來降。二十九日。侍衛索諾蘇噶特帶領宰桑莽噶拉克來降。惟宰桑布珠庫尙未投誠。據稱願隨特楞古特宰桑投見。而特楞古特宰桑那穆克來見時。仍未同至。現在

嚴飭那穆克等。令其帶領布珠庫前來。倘不遵  
行。卽用兵收服。續據貝子策卜登等呈稱。七月  
初五日。自薩噶勒巴什嶺帶兵前往。宰桑敦爾  
卓輝來迎。告知副都統敦多卜業經傳示。情願  
歸降。又據敦多卜傳示汗地方烏梁海宰桑鄂  
木布。布魯特宰桑根都什。特楞古特宰桑瓜齊  
楞布魯特。和托克。布克圖什。那穆克等七人。俱  
率衆降附。其查取各宰桑戶口牲隻數目。及應  
辦事宜。俟貝勒策布登扎布到時。公同商酌辦  
理。臣等伏查汗哈屯等處烏梁海。俱已收服。惟  
布珠庫一人未獲。現在各處搜緝。不日卽可弋  
獲。俟青滾雜卜撤兵時。將一應辦理事宜。會同  
酌議具奏請

旨。奏入報。

聞。

九月壬申朔。

諭尙書公哈達哈辦理阿睦爾撒納事宜。

上諭軍機大臣曰。朕前命哈達哈以收服烏梁海爲名。往辦阿睦爾撒納游牧。今青滾雜卜等旣將汗哈屯等處烏梁海收服。阿蘭泰亦已抵烏里雅蘇台。阿睦爾撒納自必聞知。彼處無庸多駐大員。致

阿睦爾撒納見而啟疑。哈達哈此時若已見阿睦爾撒納。卽告知烏梁海業已竣事。有旨命同伊入覲。卽會同阿睦爾撒納前來。如尙未見。亦卽前往迎會。沿途加意慰諭。不得漏洩事機。所有傳諭哈達哈辦理阿睦爾撒納游牧之旨。俱著詳密告知阿蘭泰。令其遵照辦理。

諭定北將軍班第等辦理古爾班和卓及哈薩克事

宜。

上諭軍機大臣曰。班第等奏阿睦爾撒納前遣得木齊特古斯孟克。前往古爾班和卓。及西部哈薩克。今與伊等使人同至。據伊等來文。及使人所告。請將塔什罕城內。向日駐劄回人阿奇木一員。厄魯特哈爾罕一員。不必駐劄。查此係策妄阿喇布坦時相沿舊制。今請裁去。是有據占塔什罕之意。因

示以不便准行。令其齎捧頒諭哈薩克勅書。與前遣之侍衛章武等。同往招撫。仍令伯什阿噶什之兵。沿途防護等語。所辦尚合機宜。惟哈薩克來文內。有聞阿睦爾撒納。仍居舊游牧。甚為喜悅。可復覩噶爾丹策零之時等語。此必係阿睦爾撒納。隱諱投降受恩之事。但以借兵復仇。并總統準部為詞。從前因阿睦爾撒納。離軍營未遠。詰問恐致洩

漏。今已歷多時。自當詳詢特古斯孟克。將阿睦爾  
撒納遣伊前往時。有何言語。明白供出。班第等未  
將會否。詰問之處。陳奏殊屬含糊。此時特古斯孟  
克。如尙未遣回阿睦爾撒納處。卽詳悉詢問具奏。  
再古爾班和卓來文內。稱前避達瓦齊之鋒。逃往  
彼處。今欲來歸。恐過舊日仇人相害。乞爲保護。并  
恐哈薩克布魯特邀截等語。伊若能親身前來。受  
其歸順則可。若必須救助。至與哈薩克等構兵。將  
來羣起效尤。必無休息。斷然不可。著傳諭班第等  
知之。

癸酉。

命恩克博羅特。吞圖布爲散秩大臣。仍授吞圖布爲  
扎爾呼齊宰桑。恩克博羅特爲墨得齊宰桑。

甲戌。

綽羅斯台吉噶爾藏多爾濟和碩特台吉沙克  
都爾曼濟輝特台吉巴雅爾等入

覲

行在。

命賜筵宴。

上行圍。派噶爾藏多爾濟等分班隨圍行走。

喀爾喀親王額林沁多爾濟疏奏阿睦爾撒納

潛逃。額林沁多爾濟奏言。臣等於七月初十日。  
自軍營尼楚滾地方起程。八月十九日。至烏隆  
古地方。阿睦爾撒納將印信交臣。告稱先至游  
牧束裝。再行入

覲。隨帶領扎薩克林丕勒多爾濟喀爾喀章京雅木  
丕勒察哈爾喀爾喀兵二十五名。及厄魯特兵  
三百餘名同行。至次日。阿睦爾撒納並不經由



平定回疆方略卷之十七  
正路繞道從額爾齊斯地方逃去。沿途搶掠。經各處陸續來報。臣當將印信交與王桑寨多爾濟。卽於桑寨多爾濟統領兵內。揀選索倫兵二百名。喀爾喀兵一百名。於二十日起程。向額爾齊斯地方追逐。將阿睦爾撒納逃遁緣由。報知將軍班第。管領聲援兵副都統扎爾杭阿。察哈爾副都統栢起。侍衛薩木都布。管轄種地兵丁護軍統領塔爾瑪善。并照管阿睦爾撒納游牧副都統納穆扎爾。及各處卡倫侍衛。駐防烏里雅蘇台大臣。奏入。

上諭軍機大臣曰。額林沁多爾濟奏阿睦爾撒納逃遁情形。甚屬含糊。阿睦爾撒納既未逗留於塔爾巴噶台游牧。業已前進。離其妻子游牧處不遠。何以不挈之同行。或搶掠喀爾喀。再圖竄逸。乃顯將

印信交出。忽爾遁去。此中情形叵測。相距甚遠。難以揣度。著將額林沁多爾濟奏摺抄寄班第等閱看。從前伊等奏阿睦爾撒納情事。朕已節次降旨訓諭。此時班第等若得伊逋逃信息。卽遵照前旨相機辦理。仍將所得信息及如何辦理之處速行奏聞。

是日。

上駐蹕扎克丹鄂佛洛。

命軍機大臣帶領宰桑厄爾錐音。哈薩克錫喇等入見行幄。

詢問準噶爾地方情形。隨

命侍郎玉保等帶領厄爾錐音。哈薩克錫喇及散秩大臣恩克博羅特。吞圖布等前赴西路軍營聽候調遣。賞厄爾錐音。哈薩克錫喇銀各三百兩。

恩克博羅特吞圖布銀各二百兩並

命郡王扎拉豐阿同往軍營辦事。

乙亥

命傳

旨獎諭貝勒齊木庫爾普爾普等。

上諭軍機大臣曰。據莫爾渾等奏稱貝勒齊木庫爾普爾普貝子德濟特克什克台吉鄂爾叅等將阿

睦爾撒納私遣至伊游牧之們都及二僕人拏獲  
詢知阿睦爾撒納通信游牧人等。先行起程。伊卽  
從阿爾台一路來迎等語。昨額林沁多爾濟奏報  
阿睦爾撒納中途逃遁。甚屬含糊。朕尙未深信。今  
伊私遣屬人通信游牧。以冀潛逃。種種逆跡。俱已  
敗露。實爲深負朕恩。齊木庫爾普爾普等。不顧弟  
兄私情。將伊所遣之人拏獲送到。深明大義。實可

嘉子。齊木庫爾等所屬戶口。仍令伊等自行管轄。俟擒治阿睦爾撒納後。卽將阿睦爾撒納戶口產業。分別賞給伊等。以示鼓勵。齊木庫爾。普爾普。仍俟來京入覲。另行加恩。著傳諭阿蘭泰等。降旨曉諭伊等知之。

丙子。

定西將軍永常疏奏烏魯木齊接續臺站情形。

永常奏言。八月二十日。據侍衛瑪瑞。管理烏魯木齊臺站筆帖式達桑阿等報稱。在瑪納斯河。遇見三處臺站兵丁報稱。賊衆百餘人。將臺站搶掠等語。瑪瑞等隨卽遇見賊衆三百餘人。奪路而出。現在將運送官茶人等圍住。原欲呈報定北將軍。因臺站已斷。今星夜馳報西路。並准總管臺站副都統職銜阿敏道呈報相同。臣聞

瑪納斯。烏蘭烏蘇地方。與阿巴噶斯。哈丹等游  
牧相近。有流散布庫努特貧人二千餘戶。時常  
盜竊。或聞大兵全撤。且知臺站兵丁新經更替。  
肆行切奪。但由此至伊犁臺站。均關緊要。恐亦  
有似此驚擾之處。卽飭阿敏道接續臺站。并行  
文定北將軍。若臺站已斷。卽令阿敏道親往台  
吉扎那噶爾布等處。令其帶兵前往。復遣副將  
喀爾納帶兵一百名。於二十一日前進。以爲聲  
援。本日復據侍衛瑪瑞烏魯木齊臺站察哈爾  
驍騎校敦多克前來告稱。羅克倫一帶三處臺  
站。亦皆隔絕。並稱聞阿睦爾撒納。先遣阿巴噶  
斯哈丹等領兵前行。哨探大兵隨後卽到。總管  
阿敏道聞知此信。已將烏魯木齊臺站陸續撤  
回等語。伏思搶奪賊衆。必係蒙古無業貧人。斷

無意外之事。阿敏道聽信浮言。遽行捲撤。非急  
圖接續不可。但臣等已離烏魯木齊十站。現駐  
木壘地方。所帶兵五百名。不敷調遣。已密行總  
管畢里袞。將索倫。巴爾虎兵丁。暫停撤回。并遣  
人傳知扎哈沁宰桑鄂爾奇木濟。同駐劄侍衛  
巴哈曼集。酌派蒙古。索倫等兵。接續臺站。至烏  
魯木齊。會同額林哈畢爾噶。台吉扎那噶爾布。

噶爾藏多爾濟之子諾爾布林沁。呼爾璪。台吉  
納木奇。布魯古特。台吉胡達里克等。公同進勦。  
撲滅小醜。通信伊犁。再索倫。巴爾虎撤回兵丁。  
馬匹未免疲瘦。現在於巴里坤牧放馬匹七千  
內。調取三千。換給兵丁前進。奏入。

上諭軍機大臣曰。據永常奏稱。阿巴噶斯。哈丹等。將  
西路臺站搶掠。奪取官茶等語。前班第等將阿巴

噶斯哈丹等與阿睦爾撒納互結黨援。謀爲不軌。情事曾經奏聞。昨額林沁多爾濟又奏阿睦爾撒納於中途逃遁。伊已帶兵追逐。今阿巴噶斯等搶掠臺站官物。則伊等黨惡爲奸。跡已彰著。阿睦爾撒納受朕厚恩。盡喪天良。謀爲叛逆。實天理人情所不容。必應擒獲治罪。永常此次辦理尚屬勇往。接到此旨。卽將索倫兵調回。帶領前進。其各隊撤

回兵丁。如有應調者。亦卽就近調取。彼處現既有馬七千餘匹。酌量調用。策楞三格等帶領駐防滿洲兵一千名。奮勇前進。或應勦除。或應安撫。公同妥協辦理。如有必需留待之處。占據形勢。以待後隊兵至。併力進勦。現在噶爾藏多爾濟等俱赴熱河入覲。恐阿睦爾撒納阿巴噶斯等捏造妄言。煽惑伊等游牧人衆。特命噶爾藏多爾濟沙克都爾

曼濟巴雅爾等。寄信曉諭伊等游牧人衆。由驛遞寄永常。接到日。卽委妥員遞交伊等游牧。再伊等已派出各宰桑等。令玉保帶同馳赴軍營。噶爾藏多爾濟等。亦不日卽令其回至游牧。一切應行辦理事宜。已降旨與玉保。俟伊到時。永常策楞等。會同詳細商酌籌辦。永常仍著辦理定西將軍事務。策楞。玉保。扎拉豐阿。俱著在叅贊大臣上行走。又諭曰。西路現有應辦之事。永常仍令辦理定西將軍事務。所需軍餉。著傳諭劉統勳。令其將此次軍需餘存糧石。速交恭泰豫爲料理妥協。俟永常文到。卽行應付。勿致遲悞。

命尚書公哈達哈。仍留烏里雅蘇台辦事。上諭軍機大臣曰。前已降旨。令哈達哈回京。今阿睦爾撒納現在潛逃。西路復有阿巴噶斯等搶掠臺



站之事。哈達哈毋庸來京。著仍留彼處。會同阿蘭泰等辦事。其所帶往之根敦扎卜。係阿睦爾撒納信用之人。斷不可留。此旨一到。卽著於彼處正法。

丁丑

駐劄烏里雅蘇台辦事大臣阿蘭泰等。疏奏收獲阿睦爾撒納游牧。

阿蘭泰等奏言。臣等於八月二十四日。聞阿睦

爾撒納逃竄之信。卽飭令普慶帶兵速赴阿睦爾撒納扎卜堪游牧。收其妻子。二十五日。普慶領兵至伊游牧。先收伊牧廠內馬四百餘匹。臣等於二十六日。領兵擬往掩襲。阿睦爾撒納之妻。及班珠爾。扎木叅。遣宰桑等告稱。阿睦爾撒納不能承受。

聖主厚恩。肆行背叛。實未知情。今聞官兵前來。不勝

驚懼。臣等隨令班珠爾及衆台吉同來。據阿睦爾撒納之妻訴稱去歲投誠以來。仰沐

皇恩。不可勝數。阿睦爾撒納悖逆妄行。不能承受。今情願帶領我子。并班珠爾等入訴。

聖主之前。所有游牧人衆。應否令我子管領。出自天恩。並乞將游牧人衆。遷至塔米爾等處。以防逃竄。

臣等領兵暫行駐守防範游牧。先將阿睦爾撒納妻子。交待衛富廉等。由驛解送。並將伊游牧人衆。令其遷至塔米爾等處。就近行知舒明辦理。嗣據喀爾喀郡王桑寨多爾濟文稱。八月二十日。親王額林沁多爾濟。將阿睦爾撒納所交印信。交令守護。帶兵行走。二十一日。至青吉爾地方。遇隨阿睦爾撒納行走之扎薩克林丕勒多爾濟。驍騎校齊克慎。藍翎永德。伍岱。喀爾喀

章京雅木丕勒帶領喀爾喀察哈爾兵二十五  
名前來告稱阿睦爾撒納逃遁之後。忽將我等  
掩襲。奮力射賊。始得奪路而出。適遇阿睦爾撒  
納後隊所載軍裝。因獲其旗纛。盜纓。鎖子甲等  
物。又詢據親王額林沁多爾濟。解到阿睦爾撒  
納屬人賓巴巴圖爾哈爾察等。供稱阿睦爾撒  
納潛謀叛逆。令長史阿穆爾濟爾噶勒等。接取

扎卜堪游牧。由哲爾格西喇呼魯蘇。哈卜塔克。  
拜塔克等各處。一同逃出。如不能全逃。止將妻  
子帶往。又聞令阿巴噶斯之兵。搶掠駐劄額林  
哈畢爾噶之葉克明安台吉巴雅爾。宰桑哈薩  
克錫喇游牧。令庫圖齊納爾克勒特。烏魯特。綽  
和爾之兵。搶掠駐劄伊犁將軍大臣。令塔本集  
賽噶勒雜特之兵。由烏隆古路。搶掠撤回各兵

平定回疆方略卷之七  
三  
及聲援兵丁等語。續又擒獲阿睦爾撒納屬人鄂立丹津二名。查丹津卽前遣通使哈薩克之人。俱供實不知情。因速行將軍班第及卡倫各侍衛等。隨帶兵由烏英齊一路。前赴烏蘭庫圖爾堵截。并行知後隊帶領察哈爾兵丁侍衛官員。前往索爾畢烏拉克沁等嶺堵截。奏入。

上諭軍機大臣曰。阿蘭泰等奏稱。已將阿睦爾撒納妻子及班珠爾等收獲。派侍衛富廉等解送來京。並派兵將伊游牧人衆。遷至塔米爾等處。等語。阿睦爾撒納妻子等。卽飭侍衛等中途小心管解。速行來京。至伊等所奏阿睦爾撒納之妻。並不聽從潛逃。此特見我兵已至。無可逃遁。故爲此飾詞。豈可憑信。如果誠心不肯潛逃。則阿睦爾撒納之詭計。伊妻早已聞知。何不先行陳訴。著將此情節。另

行詳悉具奏。阿睦爾撒納游牧人衆。不特不宜仍在原處居住。卽遷至塔米爾鄂爾昆等處。尙屬未協。從前曾令查勘通肯呼裕爾地方。爲安置伊等游牧之地。卽著哈達哈阿蘭泰等。將阿睦爾撒納游牧人衆。馬駝器械。盡行收取。惟留口糧羊隻。派出兵丁。嚴行防護。移至通肯呼裕爾安置。俟齊木庫爾等入覲後。察其情形。卽將阿睦爾撒納人等。

令其管轄。所獲阿睦爾撒納遣回游牧之們都等。審訊明白。卽在彼處正法。或於烏里雅蘇台地方。嚴行看守。俟擒獲阿逆時。一同獻俘。阿蘭泰等現將滿洲索倫兵丁。暫在扎卜堪駐劄。俟游牧遷定後。令在庫克嶺那木嶺二處防守。此項兵丁。與其在此二處防守。不若接應額林沁多爾濟。併力前進。更爲有益。然或相離已遠。或馬力不足。著阿蘭

泰等查明奏聞。阿睦爾撒納逃竄後。額林沁多爾濟卽領兵前進。擒拏自易。且伊屬下人怨恨者多。心已離散。阿蘭泰等應遣人知會額林沁多爾濟。設法曉諭阿睦爾撒納所屬人等。令其自行擒獻。永受重恩。伊屬下人等必自內生變。逸賊更易弋獲。將此詳悉傳諭阿蘭泰等遵照辦理。

臣等謹案阿睦爾撒納逆萌已露。屢蒙

降旨將軍大臣密速籌辦。而司事者以因循坐失事機。不克仰副

指授。以致免脫遠颺。其時逆黨猶依巢穴。阿睦爾撒納早蓄異志。計必潛通游牧。挈致同逃。復蒙

我

皇上密勅諸路豫事防範。蓋以賊巢不傾。非特無以正助逆之罪。且令羽翼游魂假息。尤足煽動

滋事。殊失操刀必割之義。觀於被收時。逆妻  
以陳訴表異。其言固不足信。卽普爾普等聞  
通信而自首。亦明知軍營部署已定。勢難與  
阿逆首尾相應。不得已爲急圖卸罪計耳。伏  
讀

聖諭。於鬼蜮前後情形。一一瞭如指掌。是以一舉而  
黨惡悉就網羅。非諸臣僅僅請移游牧者所

能窺見萬一也。

定西將軍永常疏奏諾爾布林沁來投情形。  
永常奏言。八月二十四日。羅克倫臺站章京三  
扎卜喀爾喀章京齊爾們稟稱。據布魯爾通格  
臺站之齊巴克告稱。遇賊百餘人。被傷脫出。至  
噶爾藏多爾濟之子諾爾布林沁游牧告知。隨  
帶兵二百名防禦。途遇厄魯特五人。詢係扎那

噶爾布所屬聞扎那噶爾布已與阿巴噶斯哈  
丹班珠爾普爾普等會兵搶掠臺站阿睦爾撒  
納領兵直犯伊犁並欲騷擾巴里坤地方我等  
回至特訥格爾遇諾爾布林沁攜眷屬內投告  
稱有布魯古特百餘人搶掠游牧是以遷移前  
來求轉達將軍另行安置等語臣伏思阿睦爾  
撒納及新降台吉宰桑等現在入

覲何至忽生變亂必係布庫努特之人託名煽動但  
諾爾布林沁係額林哈畢爾噶大台吉挈眷來  
投甚屬可疑臣一面傳知烏里雅蘇台大臣偵  
探阿睦爾撒納踪跡復傳知駐劄巴里坤大臣  
策楞等將未過巴里坤之撤回兵丁暫行停止  
仍飭副將喀爾納接應諾爾布林沁前來奏入

報



聞。

已卯。

諭駐劄烏里雅蘇台辦事大臣阿蘭泰等派兵擒拏  
阿睦爾撒納及接續臺站各事宜。

上諭軍機大臣曰。覽阿蘭泰等屢次奏摺。竟以交辦  
阿睦爾撒納游牧一節無誤。即可苟安無事。如所  
奏第四十站以往。臺路斷絕。已行文將軍班第。轉

飭臺站章京永泰。速爲辦理等語。所稱行文班第  
之語。甚屬糊塗。現在臺站已斷。作何傳送。著卽明  
白回奏。伊等尙未知西路阿巴噶斯等搶掠臺站  
之事。著將永常所奏抄寄伊等閱看。又如接濟額  
林沁多爾濟追擒阿睦爾撒納之處。竟全不置議。  
夫桑寨多爾濟一少年耳。尙能出兵分路堵截。伊  
等身爲大臣。何至一籌莫展。著傳諭哈達哈。阿蘭

泰於撤回索倫察哈爾兵丁內。如何調遣。接濟額林沁多爾濟之力。并通信班第。作速籌畫辦理。再瑪木特之孫扎木禪人。尚可用。或令伊揀選扎哈沁兵丁。前驅偵探。或於伊等內。揀選熟悉道路之人。徑達伊犁。通知班第等。協力相助。一面辦理。一面將現在情形。及陸續信息。卽行奏聞。諭叅贊大臣玉保等。詢問各宰桑等。進兵事宜。

上諭軍機大臣曰。永常奏摺。可卽抄寄玉保等。給與同行各宰桑等。閱看。奏內所稱阿睦爾撒納領兵直犯伊犁。及班珠爾普爾普搶掠臺站之言。顯係虛捏。但伊等意見如何。阿睦爾撒納現在情形。果能直抵伊犁。生事與否。大兵或宜速進。或俟明年整頓前行。方爲有益。將伊等意見告知玉保等。轉行陳奏。再伊等前赴軍營。由阿濟必濟一路前往。

此時情形。恐中途與賊相遇。衆寡不敵。殊屬未便。著由烏里雅蘇台。帶兵一二百名同行。更爲妥協。若不便取道阿濟。卽就近進口。由內地前往。雖較遲數日。亦屬無礙。並著詢明商酌具奏。

命傳

諭台吉扎那噶爾布。

上諭軍機大臣曰。永常奏。阿巴噶斯哈丹帶兵搶掠。

扎那噶爾布游牧。扎那噶爾布。因力弱不能抗拒。勉爲服從等語。是其心本無他。情非得已。朕已洞悉。著傳諭扎那噶爾布。此時但約束游牧。整頓兵力。以待大兵前進。共殲逆賊。毋致驚惶擾亂。事定後。自當永受殊恩。若扎那噶爾布。果能奮力自拔。卽束身歸命。倘或不能。惟宜安靜自守。斷不得因已同阿巴噶斯等形迹交通。妄生疑懼。致貽後悔。

著詳悉曉諭知之。

庚辰。

諭駐劄烏里雅蘇台辦事大臣阿蘭泰等辦理包沁  
及追捕阿睦爾撒納事宜。

上諭軍機大臣曰。阿蘭泰等奏包沁總管阿克珠勒  
於八月二十九日。回至游牧。殺傷官兵。已遣總管  
鄂博什帶索倫兵丁。追緝包沁人衆。并將烏里雅

蘇台兵丁。分駐各隘口等語。所辦尙合機宜。仍速  
行文鄂博什。追及包沁人衆時。諭以黨同阿睦爾  
撒納。係阿克珠勒一人所爲。餘皆被其脅從。不相  
株累。前阿克珠勒入覲時。朕卽疑其人狡猾難信。  
擒獲時。務訊明情節。卽在本處正法。將家口一併  
處斬。仍於得木齊內揀選一人。授爲宰桑。管理游  
牧。又從前納噶查。曾將阿睦爾撒納與阿巴噶斯

等逆謀。告知將軍班第。今已束身來歸。誠意可嘉。伊兵力甚弱。著傳諭令其速赴熱河。或卽令整兵前進。或於明年帶兵追捕阿睦爾撒納。至時另行商辦。至齊木庫爾先曾擒送阿睦爾撒納。所遣之們都。今又由烏蘭庫圖爾接出游牧。并指陳應行防守堵截各事宜。甚屬可嘉。仍遵朕旨前來入覲。再阿睦爾撒納。有搶掠喀爾喀之信。雖未足憑。但

伊游牧相離甚近。平日頗悉喀爾喀情形。或迫脅扎哈沁。包沁人等。驚擾喀爾喀。亦未可定。哈達哈阿蘭泰等。務宜加意豫備。計惟速將伊游牧內移。沿途嚴密防護。方爲妥協。阿蘭泰等。現議令青滾雜卜。帶領新舊烏梁海堵截賊來要路。卽傳諭青滾雜卜。帶伊所轄兵丁。會同察達克。赤倫等烏梁海兵丁。協助額林沁多爾濟。仍諭察達克。受朕重

恩又與阿睦爾撒納。舊有仇隙。益宜奮勉。務期擒獲逸賊。並傳諭現在進兵人等。與賊相遇。各宜奮勇爭先。丕振軍威。如能擒獲首惡。其功更大。必加格外殊恩。以示鼓勵。

命傳

諭阿睦爾撒納。

上諭阿睦爾撒納曰。爾上年受困達瓦齊。率領妻子

游牧前來歸命。朕錫以王封。資之生計。且推誠倚任。用爲將軍。較來降之諸台吉。獨加寵渥。皆衆人所共知者。昨額林沁多爾濟奏爾至烏隆古地方。忽行逃竄。朕初尚不信。以爾受恩深重。何反覆至此。今據各處奏報。僉同實出意料之外。揆厥所由。必因在軍營時。與班第薩喇爾等意見不和。恐其叅奏。自生猜疑耳。爾等意見參差之處。朕已洞悉。

平定回疆方略卷之二十七  
三  
意俟爾入覲時。詢問明確。果無大故。自示含容。乃不避負恩背義之名。輒爾逋逃。狂愚實甚。爾意以爲別娶妻室。糾集黨羽。從前妻孥游牧。即可不顧。今爾游牧。自妻子至部衆。無不以爾受朕深恩。自作不靖。若非朕曲加仁慈。俱因爾株累。至於殲滅。共相怨恨。卽爾累及妻孥。猶屬細事。至所屬人等。積勞戰陣。今又計日危亡。爾固不顧妻孥。此等誰

無父母兄弟妻子。終身隔絕。豈人人盡如爾意耶。爾受朕恩如此。尙懷叵測。爾之屬人受爾恩幾何。能終保其不生他變耶。爾若逃往哈薩克。爾前遣通使之丹津云。爾兄巴特瑪車凌。在彼乞食。爾卽逃往。能如歸命天朝之受恩寵渥耶。况哈薩克來使。曾云爾等全不可信。久相猜貳。卽往亦未必容留。彼時進退無措。朕雖欲施恩曲宥。其如國法何。

爾當詳細籌畫。仍悔罪乞恩。朕自念爾前勞。曲爲寬貸。若執迷不悟。朕命將興師。窮搜極捕。一被弋獲。天網難逃。今特不忍爾自罹罪愆。且令爾部衆不得安生。是以不惜降旨詳悉訓諭。爾思達瓦齊。係綽羅斯大族。據有伊犁。朕大兵所指。未敢稍撐螳臂。俯首就縛。爾與達瓦齊勢力相較何如。卽令暫收四衛喇特。不過一時烏合。各欲相機觀變。且

夕立見瓦解。爾特不知覺悟。耳其熟計利害。無貽後悔。又

諭哈達哈等曰。現在拏獲阿睦爾撒納。宰桑七員。除阿穆爾濟爾噶爾外。選一庸愚無用之人。不必解送來京。令其齎曉諭阿睦爾撒納之旨。前赴尋遇阿逆時。給伊閱看。仍用托忒字。多爲繕寫。交與額林沁多爾濟。令其廣爲宣布。




命協辦陝甘總督劉統勳籌辦馬駝。

上諭軍機大臣曰。劉統勳現在巴里坤。所辦駐兵之事。尚可稍緩。現今阿睦爾撒納。尙未擒獲。大兵須由西路前進。馬駝最關緊要。著傳諭該督。令其回至肅州。密速籌辦。卽將現存營馬。加意喂養。約計足供五六千人乘騎之用。如有不敷。卽隨便購買。

其價不必拘泥成例。但期籌畫無悞。聽候今冬調遣。并將辦理情形。速行陳奏。

林辛巳。



平定公家之問答

四

其問曰... 答曰...

...

...

...

...

...

...

